

Gipuzkoako Aldizkari Ofiziala

35. zenbakia

Data 2013-02-20

2 orria

3 Gipuzkoako Lurralde Historikoko Xedapen Orokorrak

OGASUN ETA FINANTZA DEPARTAMENTUA

131/2013 FORU AGINDUA, otsailaren 7koa, zerga berezien zenbait eredu onartu eta zerga horien kudeaketan bete beharreko arau batzuk bateratu eta egunean jartzen dituen otsailaren 16ko 113/2009 Foru Agindua aldatzen duena.

GIPUZKOAKO FORU ALDUNDIA

OGASUN ETA FINANTZA DEPARTAMENTUA

131/2013 FORU AGINDUA, otsailaren 7koa, zerga berezien zenbait eredu onartu eta zerga horien kudeaketan bete beharreko arau batzuk bateratu eta egunean jartzen dituen otsailaren 16ko 113/2009 Foru Agindua aldatzen duena.

Ekainaren 29ko 2/2012 Legeak, Estatuko Aurrekontu Orokorrei buruzkoak, Europar Batasuneko araudira egokitu du zerga berezien erregulazioa, eta horren ondorioz, Zenbait Hidrokarburoren Txikizkako Salmenten gaineko Zerga Hidrokarburoen gaineko Zergan geratu da integratuta 2013ko urtarrilaren 1etik aurrerako ondorioekin. Horrek hidrokarburoen gaineko zerga autolikidatzeko ereduak aldatzera behartzen gaitu.

Otsailaren 16ko 113/2009 Foru Aginduaren bidez zerga bereziak autolikidatzeko hainbat eredu onartu ziren, eta zerga horien kudeaketan bete beharreko arau batzuk bateratu eta eguneratu ziren. Onartutako ereduaren artean Hidrokarburoen gaineko Zerga autolikidatzeko 564 ereduak zegoen.

Hidrokarburoen gaineko Zergaren egitura berria dela-eta (hiru zerga tasa ditu, estatukoa, berezia eta autonomikoa), eta berrigorlearen figura sortu denez, zerga autolikidatzeko 564 ereduak egokitu beharra dago. Horrela, eredu hori 581 eredu izatera pasatzen da, baina 564 ereduaren erreferentzia mantentzen da likidatuta dauden zergaldietako aitortpen osagarri edo zuzentzaileak aurkeztea gerta daitekeelako. Orobat, 582 eredu berria sortzen da, berrigorle direnek erabil dezaten.

Hori dela-eta, aipatu den 113/2009 Foru Agindua aldatu beharra dago esandako eredu berriak onartu eta jasotzeko.

Horiek horrela, honako hau,

XEDATZEN DUT

Artikulu bakarra. Zerga berezien zenbait eredu onartu eta zerga horien kudeaketan bete beharreko arau batzuk bateratu eta egunean jartzen dituen otsailaren 16ko 113/2009 Foru Agindua aldatzea.

Lehen: Xedapen hauek aldatzen dira otsailaren 16ko 113/2009 Foru Aginduan, zerga berezien zenbait eredu onartu eta zerga horien kudeaketan bete beharreko arau batzuk bateratu eta eguneratzeari buruzkoan:

Bat. 1. artikulua 1. eta 4. apartatuak honela berridazten dira:

«1. Onarturik geratzen dira fabrikazio zerga berezien zerga zorra zehaztu eta ordaintzeko erabiliko diren autolikidazio ereduak, jarraian aipatzen direnak. Ereduak bina ale dituzte, Administrazioarena eta interesatuarena:

a) 560 ereduak: Elektrizitatearen gaineko zerga. Autolikidazioa. I. eranskin gisa ageri da foru agindu honetan.

b) 561 ereduak: Garagardoaren gaineko zerga. Autolikidazioa. II. eranskin gisa ageri da foru agindu honetan.

c) 562 ereduak: Tarteko produktuen gaineko zerga. Autolikidazioa. III. eranskin gisa ageri da foru agindu honetan.

d) 563 eredua: Alkoholaren eta edari deribatuen gaineko zerga. Autolikidazioa. IV. eranskin gisa ageri da foru agindu honetan.

e) 564 eredua: Hidrokarburoen gaineko zerga. Autolikidazioa. V. eranskin gisa ageri da foru agindu honetan. 2013ko ekitaldia hasi aurreko likidazio-aldiei dagokienez erabiliko da.

f) 581 eredua: Hidrokarburoen gaineko zerga. Autolikidazioa. V bis eranskin gisa ageri da foru agindu honetan. 2013ko urtarrilaren 1etik aurrera hasitako likidazio-aldiei dagokienez erabiliko da.

g) 566 eredua: Tabako laboreen gaineko zerga. Autolikidazioa. VI. eranskin gisa ageri da foru agindu honetan.

h) KUBA eredua. Alkoholaren eta Edari Deribatuen, Tabako Laboreen eta Elektrizitatearen gaineko Zerga Bereziak. Kuota bateratuak banakatzeko aitorpena. VII. eranskin gisa ageri da foru agindu honetan.

i) KBBA eredua. Hidrokarburoen gaineko zerga. Kuota bateratuak banakatzeko aitorpena. VIII. eranskin gisa ageri da foru agindu honetan.

j) 582 eredua: Hidrokarburoen gaineko Zerga: Produktuak beste lurralde historiko batera edo beste autonomia erkidego batera berrigortzeagatik egin beharreko erregularizazioa. VIII bis eranskin gisa ageri da foru agindu honetan.

Fabrikazio zerga berezien subjektu pasiboek eta zerga horiek ordaintzera behartuta dauden gainerako zergapekoek aurkeztu behar dituzte eredu hauek, bi kasutan izan ezik: Inportazioak egiten dituztenean eta martxoaren 3ko 20/1998 Foru Dekretuak, Gipuzkoako zerga araudia Zerga bereziei buruzko abenduaren 28ko 39/1992 Legera egokitzen duenak (20/1998 Foru Dekretua aurrerantzean) 20.6 artikuluan definitutako artisau destilatzaileak direnean. 582 eredua berrigorle direnek baino ez dute aurkeztu behar. Izaera hori izango dute zerga berezien erregelamendua onartzen duen uztailaren 7ko 1165/1995 Errege Dekretuak 1.13 artikuluan jasotako definizioan sartzen direnean.

Oro har, fabrikazio zerga bereziei atxikitako produktuak jasotzen dituen establezimendu edo harrera leku bakoitzak aurkeztu behar ditu ereduak eta kuota likidoak aldi berean ordaindu, likidatzen den epealdian egindako eragiketengatik.

Ogasun eta Finantza Departamentuko Zeharkako Zergen Zerbitzuak aurrez baimendu badie, enpresek jardueren aitorpen-likidazio bakarria aurkeztu dezakete, zerga bakoitzeko, Gipuzkoako Lurralde Historikoan, Hidrokarburoen gaineko Zergaren kasuan izan ezik.

Kuota bateratuak banakatzeko aitorpenak –KUBA eta KBBA ereduak– zerga bakoitza ordaintzeko ezarrita dauden epeen barruan aurkeztu behar dira Gipuzkoako Foru Aldundiko Ogasun eta Finantza Departamentuko Zeharkako Zergen Zerbitzuan. Eredu horiekin batera, autolikidazio bateratuaren kopia bat eta egindako eragiketen aitorpenak ere aurkeztuko dira, banakatu beharreko kuoten fabrikazio zerga berezia zein den adierazita.

Likidatzen den epealdian ez bada izan fabrikazio zerga bereziei atxikitako produktuen izakinik edo mugimendurik, ez da beharrezkoa izango autolikidaziorik aurkeztea. Orobat, ez da horrelakorik aurkeztu beharko Elektrizitatearen gaineko Zergaren likidazio-aldiak zero kuota duenean.

582 ereduaren kasuan, ez da autolikidaziorik aurkeztu beharko baldin eta likidatzen den epealdian ez bada inolako berrigorpenik egin beste lurralde historiko batera edo beste autonomia erkidego batera.

Fabrikazio zerga berezien subjektu pasiboak batasunaren gainerako lurralde eremutik iritsitako produktuak jaso edo emateagatik bakarrik baldin badira zergaren subjektu pasiboak, ez dute autolikidaziorik aurkeztu beharko produkturik jaso edo eman ez duten likidazio-aldietan.

Likidazio-aldi batean fabrikazio zerga berezien karga tasa desberdinak aplikatu direnean, karga tasak aplikatu diren epealdi bakoitzeko aurkeztu behar da autolikidazioa eta bakoitzagatik bidezko kuotak ordaindu».

«4. Establezimendu edo harrera leku bakoitzak honako likidazio-aldiak eta honako epeak izango ditu autolikidazioak aurkezteko eta, hala bada, horrekin batera dagozkien kuotak ordaintzeko:

a) Hidrokarburoen eta tabako laboreen gaineko zergak. Likidazio-aldia: Hilabete natural bat.

Epea: Sortzapenak gertatu diren hilabetea amaitu ondorengo lehen hogeita bost egun naturalak.

582 eredia sortzapenak gertatu diren hiruhilekoa amaitu ondorengo lehen hogeita bost egun naturalen barruan aurkeztu behar da.

b) Alkoholaren eta edari alkoholduen gaineko zerga.

Likidazio-aldia: Hiruhileko natural bat, non eta subjektu pasiboek, dela eragiketa kopuruaren arabera aitortzen dutelako, dela zergaren araudiak aurreikusten dituen bestelako zirkunstantziak gertatzen direlako, ez duten Balio Erantsiaren gaineko Zerga hilean likidatzen. Horrelakoetan, hilekoa ere izango da zerga horien likidazio-aldia.

Epea: Likidazio-aldia hiruhilekoa bada, sortzapenak gertatu diren hiruhilekoa amaitu ondorengo bigarren hilabetearen lehen hogeita bost egun naturalak. Likidazio-aldia hilekoa bada, sortzapenak gertatu diren hiruhilekoa amaitu ondorengo hirugarren hilabetearen lehen hogeita bost egun naturalak.

c) Elektrizitatearen gaineko zerga.

Likidazio-aldia: Hiruhileko natural bat, non eta subjektu pasiboek, dela eragiketa kopuruaren arabera aitortzen dutelako, dela zergaren araudiak aurreikusten dituen bestelako zirkunstantziak gertatzen direlako, ez duten Balio Erantsiaren gaineko Zerga hilean likidatzen. Horrelakoetan, hilekoa ere izango da zerga honen likidazio-aldia.

Epea: Sortzapenak gertatu diren hilabetea edo hiruhilekoa –likidazio-aldia zein den– amaitu ondorengo lehen hogeita bost egun naturalak.

Elektrizitatearen gaineko zergaren subjektu pasiboa ez bada fabrika edo gordailu fiskal baten titularra, kuotak ordaintzeko autolikidazio bakarra aurkeztuko da likidazio-aldi bakoitzeko».

Bi. 2. artikulua 1. apartatuko lehen paragrafoa honela berridazten da:

«1. Autolikidazioak osatze aldera, eta aurreko artikuluko 4. apartatuan diru sarrera egiteko aipatu den epearen barruan, subjektu pasiboak behartuta daude egindako eragiketak jasotzen dituzten aitorten aurkeztera, baita izakinak bakarrik daudenean ere, foru agindu honetan onartzen diren ereduari jarraituta. Honako hauek ez dute eragiketen aitorten aurkeztu beharko: Berrigorle gisa jarduten duten subjektu pasiboek, betiere izaera hori badute zerga berezien erregelamendua onartzen duen uztailaren 7ko 1165/1995 Errege Dekretuak 1.13 artikuluan jasotako definizioaren arabera, eta zerga berezietan buruzko abenduaren 28ko 38/1992 Legeak 8. artikulua 3. apartatuko lehen paragrafoan ezarritakoa aintzat hartuta, zergadunaren ordezkotza gisa jarduten duten subjektu pasiboek.

Aurrekoa hala izanik ere, Ardoaren eta Edari Hartzituen gaineko Zergan aplikatzen den zerga tasa zero den bitartean, zergari atxikitako produktuak fabrikatzen dituztenek eta produktu horien gordailu fiskalen titularrek urtarril, apiril, uztail eta urriaren lehen hogeita bost egunen barruan aurkeztu behar dute, bulego kudeatzailean, eragiketen aitortpena, eta bertan aurreko hiruhileko naturalean establezimenduan izandako mugimenduak adierazi».

Hiru. Honela geratzen da idatzita 3. artikulua 2. apartatuko f) letra:

«f) 590 eredia aurkeztu behar da zerga berezien erregelamendua onartzen duen uztailaren 7ko 1165/1995 Errege Dekretuak 7. eta 57.4 artikuluetan aipatzen dituen kasuetan. Merkantziak esportatzeko tramitearen aduanako agiria aurkeztu eta berehala aurkeztu behar da eskaera».

Lau. 2013ko urtarrilaren 1etik aurrera hasitako aitopen-aldietarako, Tabako Laboreen gaineko Zerga autolikidatzeko 566 ereduari dagokion VI. eranskinean, beste testu bat hartu behar da kontuan «Likidazioa» atalaren barruan «Epigrafea» betetzeko jarraibideetan, honako hau:

«Epigrafea: Azaroaren 20ko EHA/3482/2007 Aginduaren XLIV. eranskineko epigrafeak jarri behar dira».

Bigarrena: Onarturik geratzen da V bis eranskin berria, Hidrokarburoen gaineko Zerga autolikidatzeko 581 ereduari dagokiona. Foru agindu honetan I. eranskin gisa jasotzen da.

Hirugarrena. Onarturik geratzen da VIII bis eranskin berria, 582 ereduarena: «Hidrokarburoen gaineko Zerga: Produktuak beste lurralde historiko batera edo beste autonomia erkidego batera berrigortzeagatik egin beharreko erregularizazioa». Foru agindu honetan II. eranskin gisa ageri da.

XEDAPEN GEHIGARRIA

Abenduaren 27ko 16/2012 Legeak, finantza publikoak indartzeko eta jarduera ekonomikoa sustatzeko zerga-neurri batzuk egokitzen dituenak, lehen xedapen gehigarrian xedatutakoaren arabera, zergaren eremu objektiboan sartutako produktuen txikizkako salmentak 2012ko abenduaren 31tik aurrera egindakotzat joko dira baldin eta data horretan produktuak jendearentzako txikizkako saltokietan badaude –Zenbait Hidrokarburoen Txikizkako Salmenten gaineko Zergari buruzko martxoaren 20ko 2/2002 Foru Arauaren 4. artikuluko 2. zenbakian definitutakoetan–, salbu eta aipatutako produktuei hidrokarburoen gaineko zergaren etendura araubidea aplikagarri bazaie.

Aurreko paragrafoan xedatutakoaren ondorioetarako, produktuen txikizkako salmentak publikoarentzako txikizkako saltokia zein lurraldetan dagoen kokatuta, eta han joko dira egindakotzat beti.

2013ko apirileko lehen 25 egun naturaletan, zergaren subjektu pasiboak behartuta daude aurreko paragrafoetatik ondorioztatzen den autolikidazioa eta sorrarazitako kuoten zerrenda aurkeztera, baita, salbuetsitako eragiketena ere, halakorik bada. Autolikidazio hori 2012ko azken hiruhilekoko autolikidaziotik bereiz izapidetuko da.

AMAIERAKO XEDAPENA

Foru agindu hau Gipuzkoako ALDIZKARI OFIZIALEAN argitaratutako egunean jarriko da indarrean.

Donostia, 2013ko otsailaren 7a.—Helena Franco Ibarzabal, Ogasun eta Finantza Departamentuko foru diputatua.